



Bahnhof-Schtudie.

Wääs Gott, es is grad käⁿ Bleissier
Summers an Feierdage
E Schaffner an de Bahn se seiⁿ
Do muß mer was verdrage.
Die Sitz, die Staz, die Rennerei
Bis alles glücklich draus un dreiⁿ
Un bis se all rechd sitze
Do kammer Thräne schwiße.

Allerdings, wer Zeit d'zu hatt
Der kann aah Schtudie mache
Besunners in 're klenne Schtadt
Do gebbt's noch was zum Lache;
Dann nerjendswie un nerjendsrum
Gebbt's so e bundes Publikum
Un so viel Blaschderdreder
Als an de Bahn, an jeder.

Do schteht e Päärche am Cubbee
Un kann sich fascht net drenne
Sa'n immer wirrer sich adschee
Dhun schuibbe und dhun fenne,
De Schaffner schmeißt die Dheere zu
Do dhut des Märe noch sei" Bu
Verkisse un verschmache,
Ich mähn ich mißt verblaze.

U alder Herr, flott a"gezoh
Beglääd vun klänne Nidde
Schteht vorrem Cubbe laut un froh
Macht U"sinn un Geschichde,
Wischt mirrem Schnubbduch weiß un grau
Sich immer wirrer iwer die Au'
Zum Schluß, wie um se reize,
Dhut er die Nas nei" schneize.

Deneuwe wirrer kummen vier
Mit Zugse un mit Singe
„Nor langsam Phillb, mer hänn noch Zeit
Was brauchen mer se schbringe.“
„Ei"schteige!“ mahnt de Cunductee.
„Geh, gew'n se uns, 's is nore we'

Dem was mer eiⁿgebrockelt,
& Cubbee, wo net schockelt."

& Mädel in de schlimmschde Johr
Mit Plää un Reisedäschje
Mit uffgeleeste lange Hoor
Mit Rett un Parfeefläschje;
De Schaffner fro't noch: Fraunkubbee
Deß Mädel: „Gotteswille nä"
Ich bin grad net so heilig,
Dort is mers zu langweilig."

& Mudder un e Schweschder dhut
De Älschde noch begleite.
„Na" adjes Frits, jetzt hall Dich gut
Un gebb mir acht beim Reide."
Voll Schtolz der Mudder Aue blizt,
Wie schä" die Uniform em sitzt
Un die Scherschandetresse
Vossen manches sie vergesse.

& Blus vun bloem Zitzkattun
& Rock mit roode Beere,
& Baureniäre, im me Duch
Hat es sei" Backebeere.

„Daß net se heile jetzt a"fangsicht."
„Ach, Modder, ach, mer iß so angicht,
Wann jetzt die Geil a"ziehe
Dhu ich eich nimmi siehe."

Ferdig! E Piff un dann e Puff
Fort schnauft deß U"geheier.
Do schbringt noch enner die Drebb eruff
Wie lauder leerig Feier.
„E Dunnerkeil, deß nenn ich Bech
De ledschde Zug un der iß weg!"
„Ja Freind, do helst kä" Brumme,
Do hääkt's hald: Frieher kumme.

